

UMP tawar program Kejuruteraan, Teknologi bagi lepasan SPM

MM (MySelbst) 16/5/11 Ichni me 25

PELAJAR lepasan sekolah, ibu bapa, guru dan masyarakat boleh mendapatkan informasi yang tepat untuk melanjutkan pelajaran ke Universiti Malaysia Pahang (UMP) dengan melayari www.ump.edu.my.

Pegawai Perhubungan Awamnya, Mimi Rabita Abdul Wahid berkata, maklumat program yang ditawarkan khusus untuk pelajar lepasan Sijil Pelajaran Malaysia (SPM), Sijil Tinggi Pelajaran Malaysia (STPM), peringkat Matrikulasi atau Asasi dan lepasan diploma dan yang setaraf dalam bidang kejuruteraan dan teknologi.

"UMP turut menawarkan program kejuruteraan *dual degree* (ijazah ber-kembar) dalam bidang Mekatronik dan Automatif dengan kerjasama Hochschule Karlsruhe Technic Und Wirtschaft (HsKA) di Karlsruhe, Jerman dan merupakan institusi pengajian tinggi (IPT) pertama menawarkan kursus berkenaan.

"Menariknya, pelajar yang mengikuti program ini akan memperoleh dua ijazah akademik yang dikeluar-

kan oleh UMP dan HsKA apabila tamat pengajian nanti," katanya ketika dijumpai di Festival Hari Guru 2011 di Tebingan Sungai Kuching, Sarawak, baru-baru ini.

Dalam pada itu, Mimi Rabita berkata, sesi pendaftaran pelajar baru bagi Sesi Akademik 2011/2012 untuk pengambilan pelajar program pengajian diploma akan diadakan pada 1 Jun ini, manakala program pengajian Ijazah pada 4 September akan datang. "Pelajar-pelajar Matrikulasi, STPM dan Diploma kejuruteraan yang mendapat keputusan cemerlang berpeluang mengikuti program baru yang ditawarkan iaitu Sarjana Muda Sains Gunan (Kepujian) Teknologi Makanan dan Sarjana Muda Sains Gunan (Kepujian) Teknologi Baham di samping 2,000 tempat ditawarkan bagi penempatan pelajar dalam sesi ini," katanya.

Pelajar lepasan UMP berpeluang menceburi kerjaya dalam bidang kejuruteraan, sains, sains komputer dan pengurusan teknologi.



SEORANG kakitangan Universiti Malaysia Pahang (UMP) memberi penerangan kepada beberapa orang pelajar yang berkunjung ke gerai pameran UMP pada Festival Hari Guru Kebangsaan 2011 di Kuching, Sarawak, baru-baru ini.